



UNIVERSITÄTS-
BIBLIOTHEK
PADERBORN

**Didaci Covarrvvas A Leyva Toletani Episcopi Segobiensis
... Opera Omnia**

**Covarrubias y Leyva, Diego de
Antverpiae, 1610**

P. Corn. Brederodivs IC. Lectori S. D.

[urn:nbn:de:hbz:466:1-96556](https://nbn-resolving.org/urn:nbn:de:hbz:466:1-96556)

P. CORN. BREDERODIVS IC.
LECTORI S. D.

OPERVM Didaci Couarruias Iuriconsulti celeberrimi, commendatio, benigne Lector, pro Auctoris dignitate huic editioni proferenda esset: si illorum praesentia & usus nondum publice innotuisset: ne tamen de tanto auctore, & tam bella occasione, nihil dicendo male mereri videar; breuiter quod de illius lucubrationibus sentio, ostendam.

Tria sunt potissimum, Lector, quae labores eorum, qui scribendo sibi nomen parare student, posteritati commendare solent, Subiectum, Forma, Oratio seu Sermo. Quae si coniunctim in vnum eundemque auctorem concurrant, cum diu victurum, multisque profuturum esse nemo profecto dubitauerit. De Oratione stylistique quo auctor utitur elegantia, (licet illis aliis, qui forensibus rebus inuoluuntur elegantiae aut puritatis postrema cura sit) hoc constat illum longo intervallo, omnia sui aui iurisperitos antea, elegantissimo enim, aperto ac Latino sermone quidquid euulgauit, ornatum esse, ut iure meritisimo illum Hispanorum Scauolam quis nuncupauerit. Ad materias quod attinet, quia nominatim illas hic referre operosius multo quam fructuosius esset, singula totius operis capita, ad calcem huius praefationis velut per synopsis reuici atque imprimi curauimus. Hoc tamen obiter adspargo, quod quaeunque à Couarruuia in iuris Nostri commentatione, & illius ad praxim applicatione scripta reliquit, ea tam solida, aperta, & plena esse, ut nihil exquisitius à Iuriconsulto sperari posse videatur. Taceo caetera, quae ex more gentis suae vsu ita exigente, summa & admiranda cum libertate protulit. Modum denique seu formam scribendi, siue vniuersum opus spectes, siue singularum materiarum lecturas, sui seculi esse fatendum est, quo nulla seruata methodo omnia mixtim & velut per Satyram ad Rubricam congerebantur. Hoc tamen huic auctori in illa confusione peculiare est, tam in Rubricarum explicatione, quam in variis Resolutionibus & Quaestionibus practicis, quod cuncta eiusdem argumenti vel subiecti tam exacte, tam methodice & egregie, atque adeo in vtranque partem tractet, ut vel curiosissimo cuique satisfacere posse videatur. Nec in probationis fide minor illius apparet diligentia. Nam siue interna ac vera rerum demonstratio requiratur, siue externa quae sola auctoritate nititur, in vtroque eam, omnium calculo, laudem assecutus est, ut inter omnes sui & nostri temporis scriptores iure Princeps habeatur. non enim auctoritatum emplastro solo, quod multis, sed imperitis tantum nimis frequens est: Quaestionibus controuersis medetur, sed ratione, quae anima legis est, opiniones suas primum firmat, inde illas, ne apud quenquam in dubium veniant, auctoritatum pondere (quae alias sola, libertati iudicij vim tyrannicam faciunt) confirmat, atque, haec tanto studio, ut libens fatear, nullum à me haecupus auctorem lectum vel relectum esse, qui fide & diligentia in externis probationibus Didacum Couarruias superare videatur. Vix enim quidquam vel in genere vel in specie scribit, quod non idem post rationem ac diligentem disquisitionem, *Communium Opiniorum* fide & auctoritate communiat, Haud ignarus, quantum illa momenti in negociis publicis & priuatis diffinitendis afferre solet.

Nunc quid in postrema hac editione pro ratione temporis praestitum sit, accipe: Opera Didaci Couarruias, cum ab illis, ad quos ea res pertinet, nobis diligentissime commendata essent, ut vitia, quibus anteriores editiones featebant expurgaremus, atque quibus haec noua editio, recens, melior, ornatio, & vsu commodior fieri posset, adderemus, negotium in nos suscepimus. Ac primum mendas quae tam in ipsum contextum, quam in allegationes non leues irrepserant, summa fide ac diligentia expurgauimus, textumque multis in locis penitus deprauatum & subuersum, ex fida allegatorum indagatione restituiimus. *Argumenta*, quae pro singulorum capitum & paragraphorum magnitudine subinde nimis succincta & breuia erant, pro subiecti vsu auximus. Titulos deinde singulorum capitum & paragraphorum (ut qua parte operis Lector esset, in ipsa libri apertura conspiceret) in vertice singularum columnarum superinscripsimus; *Singularia* item tam in textu quam in allegatis, *Communesq; sententias*, ut legenti confestim apparerent, literarum varietate distinximus, *Index* item *omnium titulorum, capitum & paragraphorum* synopticus operi praefixus est, ut quae Auctor noster summa in opere suo capita fuse tractat, in ipso operis vestibulo Lectori confestim appareant. Postremo, quia, ut supra scripsimus, Auctoris institutum non fuit, ordine methodico lucubrationes suas euulgare, sed illas, uti natae, uti successiue elaboratae sint, sic alias post alias in lucem publicauerit, isque scribendi modus vsu difficilissimus sit, in primis practicis, quibus ad impendenda causarum fata, praesentibus, non autem longè aut cum multa difficultate petendis medicamentis opus est; ne quid deinde ad Operum perfectionem requirere posses, in locum prioris Indicis, qui pro operum & magnitudine, & excellentia perexiguus & prope nullus erat, Nouum verborum & rerum, omnium locupletissimum & nostro, id est, compendiario digestum ordine Indicem corollarij vice adieciimus; Tuum nunc erit, benigne Lector, his nostris laboribus fauere, hisque etiam, si placebit, feliciter frui. Vale Francofurti Kalend. Mart. Anno MD. IO. XCII.

TITV-